

KOLKATA MIZO SPORTS NEIH A NI

CMWA buatsaih 'Kolkata Mizo Sports-2014' chu dt 31.01.14 leh 01.02.14 khan hlawhtling taka hman a ni. He Sports-ah hian Kolkata Mizote chu Group pali-Taitesena, Chawngbawla, Neuva leh Vanapa group-ah te inthenin inelna neih a ni.

Dt.31.01.14 khan CMWA President Pu Laima Chozah-in he sport hi a hawng a, inelna hrang hrang neih zui a ni. Infiamna hrang hrang zingah veteran football match, Addl.Resident Commissioner team leh CMWA President team te inkhel chu mipuiin an hlut hle. He inkhel ah hian CMWA President team lam hi 1-0 in an chak a ni.

Hmeichhe football-ah Vanapa group-in Chawngbawla group hnehin final an lut a, Neuva group-in Taitesena group hnehin final an lut bawk. Mipa football-ah chuan Taitesena group-in Vanapa group hnehin final an lut a, Chawngbawla group-in Neuva group an hneh ve bawk. Hemi ni hian volleyball(mipa leh hmeichhia), checker, carrom, race hrang hrang, throw ball te khel h a ni.

Annual Magazine

Kolkata Mizo Students' Chuailo Annual Magazine chu zawrh chhuah mek zel a ni a, la lei lo kan awm chuan KMS OB-te hnenah leh Pi Rk-i Mizoram House Salt Lake hnen atangin a lei theih a ni.

Students leh kan nu leh pate zingah pawh la lei lo kan awm a nih chuan min lei sak zel turin kan ngen a che u.

Kan hma maiah hian KMS Quiz Competition kan buatsaih dawn a, hemi hunah pawh hian Annual magazine chhung atang hian zawhna engemaw zat a rawn kal dawn bawk a nih kha.

Dt.01.02.14 hian football leh volley ball final, musical chair, leh thil hrang hrang hmangin inelna neih a ni.

Mipa football final-ah Chawngbawla group-in 2-1 a Taitesena group hnehin an champion a, Hmeichhe football-ah Neuva group an champion a, Volleyball mipa ah Vanapa group Champion in, hmeichhe lamah Chawngbawla group an champion bawk.

A pumpuiah Vanapa group-in gold 10 lain an chak ber a, hetih lai hian Chawngbawla group leh Neuva group-in gold 6 ve ve an la a, Taitesena group-in gold 4 an la ve bawk.

Sports neih chhungin Kolkata Mizote kan phurin kal kan tha thei hle. Group hrang hrang hruaitute'n an group tan thahnem an ngai tlang hle a. kan Sports hi inelna a nih bakah hun hlimawm leh nuam tak kan hmang tlang a ni.

CMCS

2014 Cmcs thalai hruaitu turte:-

2014 CMCS Thalai pawl leader atan HK Hmingthanauva ruat a ni a; Dt.26.01.14 thalai fellowship-ah thalai hruaitu turte thlanna hun neih niin, he'ng mite hi OB tura thlan chhuah an ni bawk.
Asst. Leader: R.Lallawmsanga
Secretary: R.Lalhlimpuia
Asst.Secy: R.Lalawmpuii
Treasurer: Serena Lalhriatpuii
Fin.Secretary: Oshin Lalnunmawii

Tualchhung...

Hun rei tak ata kan lo nghahhleh leh kan lo urlawk Kolkata Mizo Sports chu kan lo zo leh ta reng mai. Kan Sports neih chhung zawnga min hruai a, harsatna leh buaina liantham chhuak lova min veng reng tu Pathian hnenah lawmthu awm mawlh rawh se.

Mizo nih tinuamtu ber pakhat kan inpawh tlanna leh kan inlungualna chu Kolkata Mizo Sports kan neihnaah khan a lang Chiang hle a. Tupawh kumkhaw thian ang maiin kan Group lama awmte kha chu kan nel nghal thei vek a nih kha. Khatiang ang nun, inpawhna leh inunau na ang kha Kolkata a Mizo awmte zingah hian awm reng se, nunpui reng ila a duhawm khawp mai.

Mizote hi thil inhmakhua lawk vak ngai lo, "a tawpah tih tawk a awm." tih thupui chelhtute kan ni thin kha a ni a. Tun tum Sports-ah erawh kha chuan kan inbuatsaihna kha a thain, kan lo inhmakhua lawkna khan rah tha a chhuah a ni tih chu kan hmu vek awm e. Inbuatsaihna a that chuan buai rup rup hi a tlem thin reng a ni.

A tawp berah chuan Kolkata Mizo Sports hi kumdangah tepawh kan la tih thin a rinawm a. Chutiang hunah pawh chuan tha tak leh tluang taka kan neih theihna turin theihtawp chhuah thin ila, mahni kan inpekna a zarah Mizo Hnam hi hnamdang mithmuhah hnam awm kan lo ni thei dawn a ni.

I kal phawt loh chuan i thleng thei lo ang.

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia

Zirna Huang...

KMS QUIZ COMPETITION 2014

Kolkata Mizo Students' Executive Committee in a lo rel tawh angin KMS Quiz neih tur chungchanga inpuahchahna chu kal pui chhoh mek zel a ni a. He quiz neih tura hriattur pawimawh chu a hnuai mite hi a ni;

KMS quiz neih turah hian KMS member zinga a tel duh apiang tan tel theih a ni dawn a. KMS Committee chu zau taka inhawngin, member zinga thian ho tel duh te tan pawha tel ho theihnan turin Area ang zawnga inthen hrang loin mahni remchan dana team siam mai theih a ni.

Chuailo Annual Magazine 2013 atangin article panga: 1) **FINNA**-Laima Chozah 2) **YOU ARE 64 YEARS**-Alex Rosangluaia 3) **NUN HI**-Zuliasa Hlychho 4) **KA FARNU DUHTAK**- Zr-a 5) **THAWM**-Ahooma tihte hi Quiz-ah a tel dawn a; Mizo Tawng Upa, Mizo Thawnthu leh Mizo tawng ziak dan dik atangin zawhna a lo kal dawn bawk a ni.

Heng bakah hian General Knowledge, Mizo, History, Political Science, Economics, Accounting, Direct Tax atangtein zawhna a lo kal dawn bawk a, he'ng subject hrang hrang atanga zawhna lo chhuah dan tur kimchang chu Chuailo chhuak hmasa lamah khan tih chhuah tawh a ni a, facebook Kolkata Mizo Students' group-ah tar chhuah a ni bawk ang. Tin, he'ng kan tarlan bakah hian General Knowledge atang khan zawhna a lo kal dawn bawk a ni. KMS Committee chuan KMS Quiz neih turah hian lawmman pawh a siam tha hle dawn a. Lawmman awmdan tur chu hetiang hi a ni ang:

1st Prize: Rs. 7000 + Certificate
 2nd Prize: Rs. 3500 + Certificate
 3rd Prize: Rs. 2500 + Certificate
 Finalist: Rs. 2000 + Certificate
 2nd Round: Rs. 1000 (each)

A tel zawng zawng tan Participation Certificate pek vek an ni bawk ang.

He Quiz hi KMS member zawng zawng tan a ni tih hriain, a hlawhtlinna chu Member tin kutah a awm a; member te tel theuh tum ila. KMS in a duhthusam leh a siamchhan ang takin member te'n tha takin i inpuahchah theuh ang u.



Enkawltu Kamliam Mizo Sport..

Kolkata Mizo Sports hlimawm tak kan hmang a, mitinin kan hlutin kan hlimpui hle niin a lang. Hetiang hun hlimawm tak kan hmang ho thei hi a lawmawm hle.

Kolkata-a pawl hrang hrangte hian helaia Mizo awmte tan thil tih pui eng eng emaw kan hmangin kan nei ve ta nual a, kan hlutin nuam pawh kan ti tlang thin hle a nih kha. Kha'ng hun nuam leh hlimawm tak tak kan buatsaih thin kha a thain a hlutawm em em a, chhonzawm zel atan pawh thil tha tak a ni hlawm.

Tun tuma kan hun hman danglamna pakhat chu a hming, 'Kolkata Mizo Sports' tih hi a ni pakhat awm e. KMS sports te, Welfare sports te pawh kan lo hmang tawh thin a, tun tum ang ema mipui nawlpuiin kan hlut hi a la awm kher awm lo e. He sport hlawhtlinna atana a buatsaihtute thawhrimna zawng zawng bakah pawl hming chawi langsar lem loa Mizo sports an ti tawp hian mi zawng zawng min ti tlangnelin kan intu tatu vek niin a lang a, a thain a chhonzawm zel tlak khawp ang.

He sport hlawhtlin nachhan pawimawh tak pakhat chu nu leh pate phurna hi a ni bawk ang. Sport tan hma daih atangin leh thalai lamin kan uksak tak tak hma atang daih tawhin nu leh pa lam an phur a, hei hian kan sport boruak nasa takin a vawrhin a tihlawhtling a ni. Hetianga nu leh pa lam an phur a, min han huikhawm tak tak hi chuan thalai lam chu kaihhruai kan lo nuamin kan lo inpeih khawp mai, tihte pawh a hriat theih awm e.

Tunlaih a tha lo zawng leh a tangkai lo zawng an hman nasat em em facebook leh WhatsApp te pawh keini chuan thil tangkai tih na'n leh kan sport boruak chawh phurna hmanruaah kan hmang a, thil tha tak a ni.

Hetianga hun buatsaih hi thil hautak leh buaithlak tak a ni a, tunlaih mi kan buaiin hun neih a har tawh em em a, chutih laia kan Welfare hruaitute'n hetiang sport hlawhtling tak an buatsaih thei hi an fakawm hle. Hun hlu tak sengtu mipuite pawhin hun leh sumin a lei theih loh hlimna tam tak kan hlawhchhuak theuh awm e.

article

INCHEINA

- Chhuanpuii(Dumdumtea Nu MH)

Mizote hi incheina ngaina leh nalh thei tak hnam kan ni awm e. Hetih lai hian kan incheina thawmhnaw tluk bawka kan ngaih pawimawh chu ‘engzat man nge/eng brand nge’ tih hi a ni thin. A to apiang a nalh nia hriatna te hi kan nei thin niin a lang. Kan thiante kawr hak nalh tih deuh kan neih chuan, “engzat man nge? Eng brand nge?” tih te hi kan zawhna tlanglawn a ni thin awm e.

Branded chungchang: Thil reng rengah a brand tha chu a tlo nge nge a, belhchian a daw l tlangpui bawk. Amaherawhchu brand tha kan ngaihsan tam takte pawh hi India ram leh helai Kolkata kawthler kawmkar khawilai emaw product te an ni ve hlawm bawk. Vawikhat chu kan training laiin Garment factory hrang hrang kan tlawhkual a, chuta ka thil hmuhchhuah chu heih a ni. Ahming leh a awmna chu sawi lo mai ila, chu factory chuan ESPRIT leh GAP(kids wear) an lo siam mek a, chumi awmzia chu he’ng kan company sawi pahnihte hian India ramah order an lo pe a, a chhan chu labour man a tlawm vang a ni.

Tuna ka thawhna ah pawh hian kan puanthui tute hi a bulk a kan pek thin avangin kawr pakhat ah cheng 200 hisap te’n kan thuitir a, single piece-ah chuan chu ai to chu an la ve tho bawk. Ka sawi tum tak chu branded tia to tak taka kan lo lei tamtakte pawh hi India ram atanga siam chhuah leh thawn chhuah, a neitu Company te’n a man zat an lo chhiar a, kan lo import leh a, to deuh deuh a kan lo leite a ni hlawm thin. Mahse uluk taka puanthan an thlan, an design felsa thlapa an rawn order a ni a, belhchian chu a daw l nge nge.

Local market B.K, Emami tih vela Zara, Jack & Jones, Mango etc. kan hmuh ve thin thenkhat hi chu an label an lo copy a, an lo thui ve a ni thin. A then erawhchu company reject a nih vanga a tlawma kan hmuh theihthe a ni thin.

Neih thinglung khawnga thawmhnaw to lei ai chuan kan inhmeh zawng thlan thiam a pawimawh. Second hand te hlei hlei hi zawn peih chuan haktlak a tam thin. Kan thianpa pawhin jacket nalh deuh Dolce&Gabbana product niawm tak Mullick bazaar-ah a lei a, a inhmeh avangin eng brand nge, second hand nge tih pawh kan va hre hrang tawh chuang lo- kan inhmeh zawng kan thlan thiam a pawimawh tihna a nih chu.

Online shopping chungchang: Tunlaia kan intih hmuh em em, online shopping pawh hi nuam ti ve tak ka ni thin. Thuthmun atangin kan order a, kan inah a lo thleng a, kan duh loh leh kan thleng leh a, nuam ve tak a ni. Mahse hei pawh hi ngaihtuah chian a ngai. Offer tha tak tak an lo siam a, a then chu man man tak pawhin kan lei reng bawk; Amaherawhchu hmannah Done by None ah Jeggings cheng 699 in an lo sale a, a hnu lawk ah an sold out ta a, chumi hnu-ah Fashionara-ah cheng 999(after discount) tiin an lo zuar leh a, website pakhata an discount vak kha an lo

lei vek a, a hnuah website dangah an zuar chhawng leh tihna a nih chu. A zawng zawng chuan a ni kher lo ang a, mahse hetiang hi an tih fo thin dan a ni. He’ng website hrang hrangte pawh hian kan thluak an su nasa hle thin tihna a lo ni.

Advertisement ka hmuh pakhatah chuan ‘hmeichhia chu I love you tih leh 50% discount tihin an rilru a hneh hma ber’ an ti a, a dik viauin ka ring. 50% off a nih tawh chuan tha lutuk turah kan ngai thin reng a nih hi. Online a kan bazaar duh a nih pawhin website hrang hrang tlawh kualin zir Chiang peih ila, vai ho sumdawn thiamzia hre reingin an game ah awlsam taka awh tum bk loh tur a ni.

Ka mamawh em?: Kolkata hi khawpui dang ngaihtuah chuan incheina sang lo tak kan ni a, brand lian tam tak eg. Promod, Zara, Mango, Forever new etc. te pawh hian an old stock deuh helama tihral turin an lo thawn thin niin a ngaih theih(ka sawisual deuh a nih pawhin min lo khin loh ka beisei, hehe) Mumbai leh khawpui danga an stock nen tehkhin chuan a nalh lo zawk tlangpui bawk a ni.

A zawng a zain he’ng thawmhnaw man to leh brand thate hi ka va sawisel a ni lo, keimah ngei pawh hian awh leh nalh tih ka ngah thin khawp mai; Amaherawhchu kha thawmhnaw man to tak ka lei hma khan e’ng ka sum dinhmun/ka inhmeh zawng a ni em tihte inzawh nachang hriat a tha a ni. Hmeichhia phei chu kawr tam tak wardrobe-ah kan khai teuh a, hak tur ka nei lo, kan ti tlangpui thin. Thil kan lei dawn hian ‘ka mamawh em?’ tih hi inzawt nawn fo ila a tha awm e.

Engpawh nise kan neihin a tlin a, kan lei thei a nih chuan tumah kan insawisel thei lo. Amaherawhchu Kolkata-ah, a tam zawk zirlai awmna ah hian kan nu leh pate thawhchhuah mil talin inchei thiam ila, mi hak lai nalh kan tih vanga lei ringawt loin, he thawmhnaw hi ka inhmeh ang em, ka mawipui ang em, tihte inzawt thin ang u.

A tawp berah chuan kan thawmhnaw chu a brand tha a ni emaw, ni lo emaw fai thei ang bera enkawl hi kan tih tur a ni. Thawmhnaw fai tak inbel chuan kan lang mawiin a hmutu tan pawh a hahdamthlak a ni- PC Puia pawhin a var a hak chuan a var sar mai kha. Fai hi Pathian anna a ni si a !

Tennis

Australian Open khelh zawh takah World No. 8 Stanilas Wawrinka chuan Rafael Nadal chu 6-3 6-2 3-6 6-3 a hnehin a champion a. Australian Open a a champion hian Grand Slam Trophy a chawi vawikhatna a nih mai bakah, a ranking pawh No. 8 atangin No. 3-ah a invawrh a ni.

World Cup ah Falcao?

AS Monaco leh Colombian Striker Radamel Falcao khup hliam chu hlawhtling taka zai a nih hnuin doctor te chuan World Cup a khelh theih dawn leh dawn loh chungchangah chuan a khelh theihna tur leh a khelh theihlohna tur chance chu a inzat niin an sawi.

Fan Hnek tum

Northern Premier League First Division club, Goole AFC chuan an captain Karl Colley chu Coalville Town nen an inkhelh tuma Coalville fan pakhat hnek a tum avangin an club atangin an hnawtchhuak a ni.

Open Letter to the Editor, Chuailo.

(“Letter to Editor” hi Editor ngaihda a ni vek kher lo)

Subject : Mitthi buaipui chungchang

Ka pu,

A hmasa in i mi hriatthiamna ka rawn dil hmasa e, sawina tur hun leh hmun dang ka hriat loh avangin kan chanchinbu zahawm tak **Chuailo** Editor hnenah ka thusawi duh hi ka rawn bun ruak ve rawih mai a ni e.

Kum 2011 August thla chawhnu lam khan Kolkata khawpui hi zirna avangin ka lo chuangchhuak ve a. Theihtawk chu tlem hle mahse, theih ang tawk chuan khawtlangah leh kohhranah te ka inhmang ve zel a. Amaherawhchu mizote tlawmngaihna lanchhuahna lian tak pakhat khawhar/mitthi chhungte tawrhpu leh buaipuina chungchanga ka inlan ve thei thin lo hi chu in mi hriatthiamna ka ngen tak meuh meuh e. Kum heti zah awm ve tawh si ngatinge i kal ngai loh tia min dem tu hruaitute zingah pawh an awm ngei ang. Ni e, a dik khawp mai ka lang ngailo reng a ni.

Keimah ka indem rual rual hian kan zirlai pawl zahawm tak hruaitute pawh hi demna chin chu ka nei ve tho mai! Heti zawng hian lo sawi dawn ila. Kolkata ka chhuk tirh atang khan mak ka lo tih thin em em chu mitthi hi kan nei ngailo emaw ni tih hi a ni. Mahse Thalai fellowship naah te ka tel ve zel a, mitthi kan nei thin tih chu Chiang tak tak hian an sawi ta fo mai a, kal ve tura ngenna leh phutna pawh a ri zing ta mai a. Ka lo hriat ngailoh chu ka hre ta uarh uarh mai. Chutia mitthi nei thin kan nih a, kal ve tura thalai te min phut a nih chuan enga ti nge kan hriat ve ngai si loh tih chu ka inzawhna lian ber a ni ta. Thalai hruaitu zirlai hruaitu an ni a, mizo mipui, zirlaite leh thalaite laka hna thawk a, hnathawh thawmhaw

Bike nawr tur nei tan koh theih reng ka ni e..

- **Temami**

Ka campaign nasa bawk a, ka tling ve hram e; Min vote tute zawng zawng lawmthu ka hrilh a che u.

- **Serena**

Puia, “i hmaa tlu tur reng hian em ni khuanu’ n min lo duan le?”

- **Fikto**

Pass lawm tur kan nei a, min lo hriatpui ve dawn nia.

- **R.Lawma**

Didika freekick pet ka save tawh bawk a, thlamuang takin football ka chawhlsan thei tawh ang.

- **Mr.President**

inbel tura kan thlan tlin te hian an tih tur hi an ti ta lo em ni ta ang le. Kei chuan an ti lo ah ka ngai. Heti chen ka lo awm ve tak hnuah hian mitthi kan neih thu hi wawi hnih chiah ka la hria a tin ni. Vawi tam tak min hrilh tura thu ka rawn hnuah pawh wawi hnih chiah hrilh hriatin ka la awm ta cheu a. Kan exam lai a nih avangin vawikhat phei chu ka la kal lo ta talh zui bawk a.

Facebook lamah te kan post an ti pawh a ni maithei, mahse mihring hman dan inang lo tak vek kan ni a. Khang thu kan lo hmuh ve kha chuan alo tlai leh duai tawh thin. Entirna pakhat kan pe ve mai mai ang e. Thil harsa lo tak chu a nia. Mitthi kan neih thu hretu khan mi pakhat a hrilh a, lo inhrilh chhawng tura a tih chuan inhrilh mai chu a harsa thin lo. A college ang zawng te, hostel ang zawng te, a veng ang zawng te paw’ n a inhrilh chhawn theih zel chuan ka lo hre ve deuh a. Mi kan tam chuan zan reiah haw na tur a buaithlak thin tih thu te ka lo hre ve leh zel bawk nen. Chutia an sawi si chuan eng nga ti nge midang kan phut leh lawi si, tih lai te hi inngaihtuah nawn leh a tul lo maw. Sawi tur ava tam tak em. Mimal ngaihda mai a ni a, uchuak taka ka lo ngai a nih chuan hriatthiamna ka dil tel bawk e. Mahse point tlemte kan tarlan atang hian kan diklohna lai tak kan lo hmuh a kan insiamthat phahna a nih ringin ka rawn sawi ve tawp mai a ni.

I rintlak,
Samuel Ngente